



2 III III

Georg 871

+



Georgs-B.

404



21. 79
Eyn Sermon gepredigt
vom Pawren zu Werdepey Nürnberg
berg am Sonntag vor Fastnacht/von dem
freyem willern des Menschenn.

Im Jar M. D. XLiii.



Seytemal alle ding geschehen / nach götlicher vorsehüg /
mag nicht sein freyheit des menschen hie auff erden / wed
im gütten noch im bösen / als wir biß hieher gemeint habē
vnd noch erlich thun / vnd lesen sich eher darauff erwur
gen / dan sie anders glaubten / das noch nicht ist / das wil ich
kierlich auß der schrift beweyse. Wist ir nit was geschribē stet
pro. am. xx. Die genge des mans werden geschitt von dem hern
was welcher mensch mag vornemen seyne wege Pau. tzu den
phil. am. ij. Got ist der in euch wirckt / beyde / das Wollen vnd
das thun / darumb das er ein wolgefallen an euch hat. Ephe. i.
Got wirckt alle ding nach dem radt seynes willens / vñ am. xvi.
Ca. im buch der spruch Nemet war nicht zū gleich / als d men
sch gedenckt / das er also seine weg verbrenge / sonder wie es got
verordnet / Also wirt es geschehe. Ihere. am. x. Herz ich weyß dz
nit ist des menschen sein weg / noch ist im gewalt des mans / dz
er leyte seine genge vnd gehe. Darumb der Prophet David zū
Gott schreyet / vñ bit psal. xvi. Herz laß meine genge in deinem
steige / auff das meine fußstapffen werden bewegt. Was mag
doch klerlicher gesprochen werden wider vnsern freyen willen /
so die wege nichts sein / noch der gang in der gewalt des men
schen / wie sind dan die wege des hern in der gewalt des men
schē / wie kan sich der mensch zūm gütten keren / so doch nicht in
seiner gewalt ist dan böß zū thun / dan Got der würckt das böß
auch im gotlosen menschen / als klerlich geschriben stet am. xvi.
Cap. ym buch d spruch. Der heri würckt alle ding nach seinem
willen / auch den gotlosen zū tag des bößen. Auch zum Roma.
am. vj. Wir wissen das das gesetz geystlich ist / ich bin aber flei
schlich / vnder die sūde vorkaufft / den ich weiß nit was ich thu /
den ich thu nicht was ich will / sonder das ich haß / das thu ich /
vñ bald hernach. Ich weyß das in mir ist / das ist / in meinem fle
eysch wonet nichts guts / den willen hab ich wol / aber volbrin
gen das gut hab ich nit / den das gute das ich will / thu ich nicht
sonder das böß das ich nicht will dz thu ich. Vñ hernach baldt
spricht er aber ein mal. Ich hab lust an gottes gesetz nach dem
inwendigen menschen / ich sich aber ein ander gesetz in meinen
gliedern / das da wider streitter dem gesetz in meinem gemüt / vñ
mich gefangen nympt in der sunden gesetz / wilchs ist in meine
gliedern. Ich elender mensch wer wirt mich erlösen vom leyb di

ses to
i. C
seind
erley
dem
zū gen
nit tū
ber so
am. v
geyst
wider
get g
werd
ne vr
pfenn
ter. V
daron
xvi. C
selber
in mir
vnd ic
thuen
meine
vater
der so
nicht
Es ka
ter / de
lichen
zū vo
vnd

L
b

ses tods. Ich danck got durch Ihesum Christum vnsern hern
i. Cor. xij. Es seind mancherley gaben/ aber es ist ein geist/ vñ es
seind mancherley ampter/ aber es ist ein her/ vñ es sein mäch-
erley krefft/ vñ es ist nur ein got/ der da würcket allerley in y-
derman. In einem verlichen erzeigen sich die gaben des geysts
zü gemeinem nutz. In der. ij. Epist. Cor. am. iij. capi. wir seind
nit tüglich von vnß selber etwas zügedencken als vonn vnß sel-
ber sonder das wir etwas thüge/ ist von got. Auch zü den Gale
am. v. spricht der heylig Paulus. Das fleysch gelustet wider den
geyst/ vñ den geyst gelustet wider das fleysch/ die selbigen seind
wider einander/ das ir nicht thut was ir thun wöllent. Auch sa-
get got durch den Propheten Ezechi. am. xxxvi. vñ am. ii. Ich
werd machen das ir wandelt in meinen gepotē/ vñ haltet mei-
ne vrteil Mat. am. x. Kaufft man nit zwen Sperling omb ein
pfennig noch felt der selbigen keiner auff die erden on ewern va-
ter. Nun aber seind auch ewere har auff dem haupt alle getzelt
daromb fürcht euch nit ir seind besser dan vill sperling/ Jo. am
xvi. Gleich wie die weinrebe kan nicht frucht bringen vonn ir
selber/ sie bleib dan am weynstock/ also auch ir mit/ ir bleybt dan
in mir. Ich bin der weinstock/ ir seyt die reben/ wer in mir bleib
vñ ich in ym/ der bringt vil frucht dan on mich kundt ir nichts
thuen. Lu. am. x. vñ Mat. am. ii. Es ist mir alles vbergeben vß
meinem vater/ vñ nyemandt weys wer der son sey/ dan nur d
vater/ noch wer der vater sey dan nur der son/ vñnd welchem es
der son will offenbaren. Vñd Jo. am. iij. Ca. Ein mensch kann
nichts nemen/ es wer im dan geben von gott von hymel. Jo. vi
Es kan niemandt zü mir kōmen/ es sey dan das yn tzihe der vat-
ter/ der mich gesandt hat. Da sichstu klerlich/ das du in dē gött-
lichen dingen keines erkennen kanst/ vñd gewalt darinnen hast
zü vorbringen/ das als wist/ als dyr got sein gnāde vorleyhet/
vñd vnß allen. Amen.

Haupt bewering/ vñd furnemliche puncten der Got-
lichen geschriffte/ auff die tzuwen Artikel/ grunt-
lich/ zü erlernen/ vß dem wille des mensche
Auch von anruffung der heyligen.

Lange zeyt haben wir den heyligen angehangen/ vñnd got
vñder die süß gestoffen/ das zü erbarmen ist/ das wir also
blindt seind gewest/ vñ habe nicht trost gesucht/ da wir ge-

solte haben/ das macht aber/ das vns vnser Pfaffen vnd Mönch also vordürt haben/ vnd mit bößliger gestalt/ die matierlichen gemachten bilder auffgemutzt/ vnd mit falscher betroglicher gestalt vordüßet. Einem haben sie öll hyndenn in kopff gegossen/ das es zu den augen hynaus geflossen ist dem andern blüt/ das es blüt geschwitzet hat/ vnd also der gleichen/ den haben sie gesagt. Schaw ist das nit ein groß wunderzeichen/ den so seind die armen schlechten pawern hyntzu gelauffenn/ vnd haben den heyligen angeruffen vnd got lassen liegen/ das vnns doch gott hertiglich vordürt hat im buch des ausgangs der kinder von Israhel/ da er spricht Ich bin der herr dein got/ der ich dich außgeführt hab auß dem lande Egypten/ vom hauß der dienstparkeyt/ du wirst nicht haben frembde göter vor mir/ du wirst kein gestochen bilde machen/ noch kein gleichnuß/ deren/ die vber sich ym hymel seind/ vnd deren/ die noch auff erdreych/ noch deren/ die noch ym wasser vnder dem erdreych seind/ du wirst sie nit anbeten/ auch nit ehren/ ich der herr dein got/ starck vnd ein eyfferer. Sich/ da spricht er/ er wöll wider vnß eyffern/ wann wir ander götter vor yn haben wölln. Mat. am. iij. Du wirst anbeten got den herren/ vnd ym allein dienen. Vnd Esai. am letztem. Es wirt kommen alles fleisch/ vnd anbetenn vor meinem angelicht/ spricht der herr. Psal. lxx. O gott/ alle erde wirdt dich anbetenn/ vnd lobenn/ vnd sagenn das lob deinē namen. Psal. lxxxv. Alle vöcker die du hast geschaffen. die werden kommen/ vnd anbetenn vor dir vnd ehren deinen name wann du bist groß/ vnd thust wunderbarliche dynng du byst got alleyn. Ist er alleyn got/ sager Dauid/ So müßenn wyr yhn alleyn anbetenn vnd anruffenn/ vnd keynenn andern vnd wyr finden auch klerlich/ das sich die heyligē nit habenn wölln lassen ehre hy auff erden. vil weniger lassen sie sich dort ehren. Darvmb auch sich die lieben heyligen nie haben wöllenn lassen anbeten/ sonder alweg got die ehre geben/ vnd habē gestrafft den irsal vñ die menschen auff got/ geweyset/ als wyr klerlich wölln sehen. Apoca. xvij vnd vlti. Wie wir lesen von dem Engel/ von welchem Joannes entpfangen hat die heimliche offēbarunge/ vñ er im für die füß fiel yhn anzubeten. Sprach d' Engel. Sich zu/ thus nicht/ den ich byn dein mitnecht/ vñ deiner brüder der prophetē Beth got an. vñ in der geschicht der Apo

stel
Ter
mit
rah
als
oder
got
star
zeich
Vn
nelin
true
ein r
in 2
den
lam
lum
uber
auff
Vnd
sein
klerli
Luc
stirn
war
Cap
lich
Das
nes
das e
vñ g
llen
lichs
geb
durch
cht ei
den d
dith.


stein am. iij. Da Petrus vñ Joannes den lamē sitzent bey dem
Tempel/gesundt hetten gemacht/ vnd das volck auff sie sahe/
mit grosser vorwunderung/ sprach Petrus. Ir menner von Is-
rahel was wundert ir euch darüber. Oder was sehet ir auf vns
als hetten wir diesen wandel gemacht/ durch vnser eygen kraft
oder vordienst/ Der got Abraam/ Got Isaac/ Got Jacob/ der
got vnser veter/ hat sein kindt vorklert. Darauß mögen wir vor-
stan/ das die heyligen nicht haben auß eygener krafft wunder-
zeichen gewürckt/ sonder got durch sie/ als durch ein werckzeug
Vnd am. x. da Petrus kam in das hauß Corneli/ gieng im Cor-
nelius entgegen/ vnd fiel zū seinen füßen/ vnd betet ynn an/ Pec-
trus aber richtet yn auff vnd sprach. Standt auff ich bin auch
ein mensch. Vnd am. xiiij. Paulus vnd Barnabas/ da sie waren
in Lutrīs zū predigen das Euangelium/ da war einn man vnd
den Lustranern d̄ saß vñ vorvornogens an seinen füßen/ vñ wart
lam von mütter leib/ der noch nie gewandelt het/ der höret Pau-
lum reden. Vnd als er yn ansach/ vñ mercket das der einen gla-
uben het/ gesundt zū werden/ sprach er mit lauter stym. Stand
auff vnd richt dich auff deine füß/ vnd er sprang auff vñ wadelte
Vnd zum andern/ das die auch werden schwerer straff würdig
sein/ die yn selbs gottes ehre wollent zulegen/ vñnd zū eygen/ als
keterlich myt diesem Exempel erzeyget wirt. Esaiē am. xiiij. Da
Lucifer auff styg yn hymel/ vñ erhöcht sein stuel vber das ge-
stirn des hymeis/ das er sich vortgleichet hat got/ vnd gestossen
ward yn die helle. Inn den Geschichtenn der Aposteln am. xij.
Cap. Auff einen bestimptem tag/ het Herodes an das Rünig-
lich kleyd/ satz sich auff den Richterstul. vñ thet ein Red zū yn
Das volck lyeff zū vnd sprach. Das ist ein stim gottes. vñ nit ei-
nes menschen. Als bald schlug yn der Engel des herren/ darvmb
das er den preys nit got gab/ vnd ward fressen von den würmē/
vñ gab sein geyst auff/ Darvmb sehē wir nun/ wann wir einē wo-
llen loben/ das er einen glauben zū gott habe/ oder sunst was er-
lichs ist/ So sie yn nit darinn elobē/ sonder got der im solche eer
gebē hat/ das er vns auch solche gnad gebē wolt/ vñ welcher da
durch got nicht lobet/ d̄ ist ein vachter gölicher ehre. Nun mö-
cht einer sprechē also. Lesē wir doch im Alten Testamēt an vile-
den das ein mensch den andern hat anbetē lassē/ als Achior Ju-
dith. am. xij. Vñmq Helisem Sunamitis. iij. Regū iij.

Abraam den Engel. Gen. xviij. Dauid/ Jonatam/ Regum. xx.
Saul/ Samuelem am. i. buch der König am xxviij. Ca. hat an-
betet vñ also durch das Alt Testament hynweg / findt man fass
an vil örten tzuweyerley anbetē. Eins ist eusserlich/ nemlich/ mit
dem hauptneygē/ sich bucken mit dem leyb / anff die knie fallen/
anff die erden fallen/ vñ solchs thun zū eym zeichen der obriteyt
vnd gewalt/ gleich wie man den weltliche herrē auch stil schw-
eigen sich neygen muß. Solch eusserlich ehr erbietung/ heyst ei-
gentlich in der schrifft anbetē vñ ist auß lauter vnuerstandt dz
wörtlein Adorare vertenscht auff anbeten/ welchs von betenn
des mündts zūstarckl aut/ vñ were vil besser/ dz man sprecht/ Er
erbeten/ oder wie das hebreisch/ gibt/ neygen/ vñ das anbetē ob
Er erbeten eusserlich/ ist on vnterscheidt ertzeygt worden got
vñ kōnigē/ wie auch noch das neygē vnd knyen eusserlich/ beide
got/ vnd den menschen ertzeygt wvrdt. Das ander anbetenn ist
auch ein anbetung/ oder ehr erbietung/ odder neygunng des her-
tzens damit du dich von grund deines hertzens erzeigeist vñnd
bekennest/ als ein vnderthenige creatur/ vñ solchs anbetē ist nit
anders/ dan der glaub/ od des glaubes höchst werck gegen gott
den solchs hertzlichs neygen/ bucken ehrerbietung bekēnūß od
wie man es nennē wil/ vernag nyemandts im hertzen zū thun
gegen got/ er halt dan on alles/ got für seinen herrn vnd vatter/
von dem er alles guts hat/ vnd haben wvrdt/ durch welchen on
allen vordienst vñ allen sunden vñ vbel erlōst vñ behalten wirt.
Zū andern/ das allein in gott vortrawen/ yn anruffen/ vnd ein
zū flucht zū ym haben/ zeygt klerlich an der meister der warheyt
vnd einich doctor der götlichen geschriffte der heylig geist/ als
wir nun sehē auß dem Psal. am. xxxviiiij. Du solt mich anruffē
an dem tag der trübsal vnd ich erlōß dich/ vnd du wirst mich er-
hören. Vnd am xxxv. Unser got ist ein zūflucht/ vnd ein krafft.
Er ist ein helffer in der trübsal/ die vñs habē funden krefftiglich
Darvmb werden wir vñs nit fürchten/ so die erdt bewegt wirt
vnd die perge geworffen werden in das hertz des meres. vñ Ps-
almo. xvij. vnd Esai. xxxviij. Ich bin/ vnd on mich ist kein heyl-
land. Vnd in geschichten der Apost. am. iij. Chastus ist d stein
der von euch bawleuten verworffen/ vnd zum ecstein wordē ist
vñ ist in keinem andern heyl/ ist auch kein ander namē dem mens-
schen geben/ darinnen wir sollen selig werden. Wer ist d ecstein

dan
tran
Liel
welc
am.
einer
vater
ande
mein
ffen/
fluch
gerec
werd
her
mer/
hofft
ren/
ralip
bent
geber
was
heyl
erbar
O h
mein
seind
dem h
fftig
trüb
ich fr
Da se
vnd i
war
Kön
Sich
loß m
ter od
dan e


dan allein Christus. Darauß muß wir vns allein setze vñ vor
trawē habe vnd auff keinē andern Vnd Ihesus am xiiij. spricht
Lieber her/ der du vnser König allein bist / hulff mir eyngigen
welcher on dich kein ander helffer ist. Vñ Exo. am xv / vñ Psal.
am. xij. Mein sterck vñ mein lob ist d her / vñ ist mir wordē zū
einem heyl/ der ist mein got vñ ich werd inn ehre/ ein got meus
vaters/ vnd ich werd yn hoch priesen vñ erhebe. Vñd an dem
andern buch d König am xxij. Der her ist mein selß/ mein sterck
mein heylad/ vnd got mein starcker her/ vñ ich werd in yhn boz
ffen/ mein schilt d gewalt meines heyls/ mein erhöher / mein zū
flucht/ mein seligmacher du wirst mich erlösen vñ meiner vn
gerechtheit. Ich werd anruffen den lobwürdige herrē/ vnd ich
werd behaltē vor meinen feinden. Psal. ioo xxxiiij. Gelobt sey d
herz mein got/ mein barmhertzigkeit mein zūflucht mein auffne
mer/ mein erlöser/ vñ mein beschirmer/ vñd ich hab in yhn ge
hofft. Vñ am buch d König am. xvij. Surchtet got ewern her
ren/ vnd er wirt euch erredē vñ der hand aller ewer feind. ij Pa
ralip. xx. Glaubt in herrē ewern got/ so werdent ir sicher ge
geben. Vñ Psal. lxxviiij. O her neig mir/ dein ör/ vñ erhör mich
wan ich byn gebrechlich vñ/ arm/ behüt mein seel wann ich byn
heylig/ mein got mach behaltē deinen knecht/ d da hofft in dich
erbarin dich mein/ wan ich hab gerufft denn gantzē tag zū dir/
O herz erstew die seel deines knechtes/ wan ich hab auffgehabē
mein sel zū dir/ wan du herz bist semst vñ milt/ vñ vil erbermbd
seind den/ die dich anruffend. Vnd Psal. ioo vi. Sie schreien zū
dem herren da sie betrubt waren/ vñ er erlöset sie vñ iren nottur
ffigkeiten. Psal. ioo xvij. Ich habe angeruffen den herren vñ d
trubsal/ vnd er erhört mich yn der weyt/ der her ist mein helffer
ich surcht nit was mir der mensch thut/ der ist mir ein helffer.
Da sehe wir nun wie es mit den zūgehet die yhn habē angerufe
vnd in yhn vortrawet/ vnd iren glauben auff yhn gesetzt/ vñd
warumb wollen wirs dan nicht thun. Spricht er doch Marr
Kommt alle zū mir/ die ir beladen seind/ ich will euch erquicken
Sich da/ er spricht. Kumpt zū mir ich wil euch erledigen/ vñd
loß machen von ewern sunden. Er spricht nit/ Gehe zū sant Pe
ter oder Paul. Darumb so last vns alle zū yhm zūflucht suchen/
dan er der beste helffer ist. Das helff vns allen got/ der her. Amē

egum. xx.
a. hat an
t man fast
mlich/ mit
nie fallen/
er sbrüeyt
stil schw.
g/ heyst ei
standt dz
on betenn
prieck/ Zer
anbetē od
orden got
lich/ beide
betenn ist
g des her
geist vñd
betē ist nit
gegen gott
kennlich od
en zū thun
nd vatter/
welchen on
alten wirt.
n/ vnd ein
r warheyt
g geist/ als
h anruffē
st mich er
ein krafft.
reffsiglich
wegt wirt
es. vñ Ps.
t kein hey
ist d stem
wordē ist
e dem men
t d ecklein










[Faint, illegible handwritten text on the top section of the spine]

371







21. 19
Eyn Sermon gepredigt
vom Pawren zu Herdrey Nurn-
berg am Sonntag vor Fastnacht von dem
freyem willem des Menschenn.

Im Jar M. D. XLiiij.

